

OPĆINSKI NAČELNIK



MUNICIPALITY MAJOR

Služba za društvene djelatnosti

Broj: 07-05-sl./15
Ilijaš, 19.10.2015.godine

STRUČNA SLUŽBA OPĆINSKOG VIJEĆA I
OPĆINSKOG NAČELNIKA

**ODGOVORI NA VIJEĆNIČKA PITANJA SA 33. SJEDNICE
OPĆINSKOG VIJEĆA ILIJAŠ održane 29.09.2015.godine**

Ilijaš, oktobar 2015.godine

Tel: +385 (0)11 4621 1111
 Fax: +385 (0)11 4621 1111
 e-mail: o.ilijas@bih.net.ba



Broj certifikata: CR14625Q

NIJAZ RASTODER – vijećnik LDS-a

33. sjednica Općinskog vijeća Ilijaš održana dana 29.09.2015.godine

Pitanja:

1. "O kakvim se aparatima radi vezano za rentgen u Domu zdravlja u Vogošći i ultrazvuku u Ilijašu? Građani smatraju da ovi aparati nisu u stanju da otkriju nikakvu bolest i ako se radi o vidljivo bolesnim ljudima. Građani dobijaju uredan nalaz u Vogošći ili Ilijašu, a u Sarajevu se pokaže da čovjek ima karcinom na plućima veličine ploda jabuke."
2. "U Domu zdravlja u Ilijašu trenutno fali dva stomatologa. Zašto se ne zaposli neko sa biroa, jer mi trenutno imamo stomatologa koji je šest godina na birou?"

Odgovor:

Vijećnička pitanja smo uputili JU "Dom zdravlja Kantona Sarajevo" i JU "Dom zdravlja Kantona Sarajevo" – Organizaciona jedinica Dom zdravlja Ilijaš i dobili odgovor koji Vam dostavljamo u prilogu.

Prilog: Akt broj: 01-05-6921-3/15 od 13.10.2015.godine

JAVNA USTANOVA DOM ZDRAVLJA
KANTONA SARAJEVO
GENERALNI DIREKTOR
BROJ: 01-05-6921-3/15
DANA, 13.10.2015.godine
SARAJEVO, VRAZOVA 11

[Handwritten signature]

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
GRAD SARAJEVO
OPĆINA ILIJAŠ
Općinski načelnik
- Služba za društvene djelatnosti -

Predmet: Obavještenje na vječničko pitanje
Vaš br. : 07-37-sl./15 od 02.10.2015.god,
dostavlja se

Vezano za vječničko pitanje vijećnika Nijaza Rastodera, postavljeno na 33.sjednici, održanoj 29.09.2015.god, u prilogu akta dostavljam odgovor direktora OJ DZ Ilijaš, prim.dr Nijaza Šitkovca, spec.otorinolaringologa, br.01-19-610/15 od 08.10.2015.god.

S poštovanjem!

DOSTAVITI:

- Naslovu s prilogom
- OJ DZ Ilijaš
- SPKOP
- a.a.

GENERALNI DIREKTOR

Prim.dr. Mijan Miroković
spec.porodične/obiteljske medicine






ORGANIZACIONA JEDINICA DOM ZDRAVLJA ILIJAŠ

Bogumilska 6, 71 380 Ilijaš, tel. 033/ 584 351, fax. 402 585
e-mail: ilijas@judzks.ba

Broj: 01-19-6/0 /15

Ilijaš, 08.10.2015.



GENERALNI DIREKTOR

Prim dr Milan Mioković

Specijalista porodične/obiteljske medicine

Vrazova 11, Sarajevo

PREDMET: Prijedlog odgovora na vijećnička pitanja sa 33. sjednice OV Ilijaš

Na 33. sjednici Općinskog vijeća Ilijaš održanoj 29.09.2015. godine vijećnik LDS-a, Nijaz Rastoder postavio je slijedeća pitanja:

1. O kakvim se aparatima radi vezano za rentgen u Domu zdravlja u Vogošći i ultrazvuku u Ilijašu? Građani smatraju da ovi aparati nisu u stanju da otkriju nikakvu bolest iako se radi o vidljivo bolesnim ljudima. Građani dobijaju uredan nalaz u Vogošći i Ilijašu, a u Sarajevu se pokaže da čovjek ima karcinom na plućima veličine jabuke.

Odgovor:

Svi dijagnostički i terapijski aparati na nivou Ustanove imaju upotrebnu dozvolu koja se obnavlja svake dvije godine. Za rendgen aparate, svake godine kontrolu ispravnosti vrši Centar za zaštitu od zračenja pri Zavodu za javno zdravstvo FBiH. Upravo je aktuelno atestiranje svih aparata na nivou ustanove prema novom Zakonu, a to naravno vrijedi i za aparate spomenute u vijećničkom pitanju.

Drugi dio vijećničkog pitanja, odnosno komentar, ulazi u sferu špekulacija i dijelom zadire u medicinsku struku. Kako našoj Ustanovi, tako i cjelokupnoj medicinskoj struci, u interesu je zaštita zdravlja pacijenata po principima dobre medicinske prakse, te poštujući Zakon o pravima pacijenata, preporučujemo da se navodi iz vijećničkog pitanja i slični navodi konkretiziraju i upute nadležnim institucijama kao što su Etičko vijeće naše Ustanove i slično. Uz validnu medicinsku dokumentaciju i argumentaciju doći će se do odgovora na svaku nedoumicu, a u interesu i korisnika zdravstvenih usluga i dobre medicinske prakse.

2. U Domu zdravlja Ilijaš trenutno fale dva stomatologa. Zašto se ne zaposli neko sa biroa, jer mi trenutno imamo stomatologa koji je šest godina na birou?

Odgovor:

U stomatološkoj službi OJ DZ Ilijaš trenutno je uposleno 7 (sedam) doktora stomatologije, od kojih je jedan specijalista pedodont, raspoređenih po lokalitetima na slijedeći način:

- Centralni objekat 4 (četiri), od kojih je šef službe - specijalista pedodont
- Lokalitet Srednje 1 (jedan)
- Lokalitet Podlugovi 1 (jedan)
- Stomatološka ambulanta JU OŠ „Stari Ilijaš „1 (jedan).

Ovaj broj doktora stomatologije uklapa se u Standarde i normative iz „Plave knjige 2014“ na broj stanovnika općine Ilijaš (3500 osiguranika iznad 19 godina na jednog doktora stomatologije – $3500 \times 6 = 21000$ i 2500 osiguranika do 19 godina na jednog pedodonta – $2500 \times 1 = 2500$), odnosno naša organizaciona jedinica ima broj doktora stomatologije za 23500 stanovnika, što se uklapa u preliminarne rezultate popisa iz 2013. godine od 20500 stanovnika na području naše općine. Ako zvanični rezultati popisa budu drugačiji (veći), onda ima prostora da se potražuje još jedan doktor stamtologije.

Problem u organizaciji službe predstavljaju neplanirana duža odsustva uposlenika sa posla. Trenutno nedostaju dva doktora stomatologije sa liste uposlenih i to jedna doktorica zbog porodijskog odsustva (do juna 2016. godine) i jedan doktor na dužem bolovanju od 42 dana (neizvjestan period dužine bolovanja). Pravilnik naše Ustanove ne predviđa nove prijeme uposlenika u ovakvim situacijama. Kao mogućnost ostaje preraspored iz drugih organizacionih jedinica, ovisno o kadrovskim kapacitetima na nivou Ustanove.

S poštovanjem,

**DIREKTOR**
Prim dr. Nijaz Šitkovac
Spec. otolaringolog

Dostaviti:

-naslovu

-a/a